



## МЕСЯЦА ОКТЯБРЯ В 8-й ДЕНЬ

### Преподобныя матере нашей Пелагии

На Господи, воззвах: стихиры, глас 8.

Подобен: О преславнаго чудесе:

**О** преславнаго чудесе! / Вмужившися, жена врага попра / и страсти угаси телесныя воздержанием многим / и, на рамах Господень Крест восприемши Пелагия тепле, / тягость отложи житейскаго имения, / мудраго Нона ученьми последова Христу.

**Новая** Фекла нам явилася еси, / якоже бо иного Павла, / обретши Нона учителя, / и того поревновала еси учением, славная, / приложившися покаянию тепле, / и совокупилася еси воздержанием Христу, / о преблаженная Пелагие всечестная, / тем Христа не престаи молящи / спастися нам.

**Радуйся,** Пелагие всечестная, / ты бо Божественною ревностию разжегшися всечестне, / блудную отвэргла еси сласть, преблаженная, / и притекше к Нону, взывала еси: / ответ воздаси о деяниих моих, / аще не знаменаеши мя знаменем, славне, Христовым, / Крещением одевая мя / чистыя одежды.

Слава, глас 4. Иоанна монаха:

**Идеже** умножися грех, / преизлишествова благодать, якоже учит апостол; / в молитвах бо и слезах многих согрешений, Пелагие, / пучину изсушила еси, / и наконец благоприятное пока-

яние Господу принесла еси, / и в сем молишися о душах наших.

И ныне, Богородичен или Крестобогородичен.

Подобен: Яко дбля:

**А**гнца и Пастыря, Тя на Древе яко виде, /  
**А**гница рождшая рыдаше и матерски Ти  
 вещаше: / Сыне Возжеленне, / како на Древе  
 Крестнем повешен еси, Долготерпеливе? / како  
 рuce и нoзе Твои, Слове, / пригвоздишася от  
 беззаконных, / и Кровь Твою излиъл еси,  
 Владыко?

На стиховне Октоиха.

Тропарь, глас 8:

**В** тебе мати известно спасеся, еже по образу: /  
 приими бо крест, последовала еси Христу, / и,  
 деючи, учила еси презирати убо плоть, преходит  
 бо, / прилежати же о души, вещи безсмертней. /  
 Темже и со Ангелы срадуется, преподобная Пе-  
 лагие, дух твой.

#### НА УТРЕНИ

Оба канона Октоиха и святых на 4, егоже краеграние: /  
 Любовью чествую мудрую Пелагию. Глас 4.

#### Песнь 1

**Ирмос:** Моря черную пучину / невлажными стопами /  
 древний пешествовав Израиль, / крестообразными Мо-  
 исеевыми руками / Амаликову силу в пустыни победил  
 есть.

**Предложивши** яко многопиршественную  
 днесь Божественную память свою / вселенней  
 всей таинственно Пелагия, / повелевает напитат-  
 ся всем снедей подвигов ея.

**Желание,** еже паче всякаго хотения / вселив-  
 шея в душу твою, честная, озари ум / и пламень  
 Духа, вжег тебе, просвети и страстей тину  
 попали.

**Моря** греховнаго волнения избегши, честная, /  
 к тихому пристанищу Христову, Пелагие, при-  
 стала еси, / тем покаянием твоим наследовала еси  
 кротких землю.

Богородичен:

**Тишина** сущих в житии, Чистая, влающихся  
 земных, / Ты, твердая и крепкая анкира, и при-



стáнище, и окормлѣние еси, / всегда к Тебе руко-  
водящи и спасаючи.

**Песнь 3**

**Ирмос:** Веселѣтся о Тебе Церковь Твоя, Христе,  
зовущи: / Ты моя крепость, Господи, / и прибежище, и  
утверждение.

**Возлетела еси на Небеса, Христова голубице, /**  
**крилами воздержания и болезнями многими воз-**  
**высившиися.**

**Тѣны страстныя ты злосмрадное Христовою**  
**водою омывши, честная, / миро, Пелагие, явилася**  
**еси Ему.**

**Оружие врагу смертоносное / истинно бысть к**  
**Богу твоя, честная, разжженная любовь и**  
**желание.**

**Богородичен:**

**Яко роса утренняя, веселие Твое, Чистая,**  
**каплющи, / страстей пещь Тебе поющим угашает**  
**всегда.**

**Седален, глас 8.**

**Подобен: Премудрости:**

**Покаяния росюю страстей угасивши пламень, /**  
**твой живот возложила еси Христу и Спасу**  
**твоему / и, Его ради мира избѣгши, уединилася**  
**еси в пустыни, / житие Ангельское дошедши. /**  
**Тем и, кончину со славою великою обрѣтши от**  
**Бога почитаему, / позналася еси концем, Пелагие**  
**равноангельная, / моли Христа Бога грехов**  
**оставление подати / празднующим любовь свя-**  
**тую память твою.**

**Слава, и ныне, Богородичен:**

**В напасти многоплетенная впад от враг види-**  
**мых и невидимых, / бурю одержим безчисленных**  
**согрешений моих, / и, яко к теплomu заступленію**  
**и покрову моему, Чистая, / ко пристанищу прите-**  
**каю Твояя благодати. / Темже, Пречистая, из Тебе**  
**Воплощенному безсеменно / молися прилежно о**  
**всех рабѣх Твоих, / непрестанно молящихся,**  
**Богородице Пречистая, / молящи Его присно сог-**  
**решений оставленіе даровати / воспевающим до-**  
**стойно славу Твою.**

**Крестобогородичен:**

**Агница, и Пастыря, и Избавителя / Агница**

зрящи на Кресте неправедно воздвѣжена, / плачуущися горько, взываше: / мир убо радуется, приѣмля Тобою избавлѣние, / утроба же Моя горит, зрящи Твое распятие, / еже терпиши за милосердие милости, Боже Преблагій, Безгрешне Господи. / Ейже верно возопиим: / благоутробие покажи, Дево, на ны и согрешений оставлѣние даруй / поклоняющимся Того страданием.

#### Песнь 4

**Ирмос:** Вознесѣна Тя видевши Церковь на Крестѣ, / Солнце праведное, / ста в чѣне своем, / достойно взывающе: / слава силе Твоей, Господи.

**Яко** кадило пречестное, Пелагие, / воздержанія углием всесожегаемо благовоние была еси Христу, Богу нашему, / в воню тѣкши мира Его.

**Телѣсное** благолепие, Пелагие, / греховныя тѣны прежде бывшее, все преложила еси в доброту нескверную, / еяже твой Жених восхотѣ, Христос.

**Духа** всельшаяся, Пелагие, / благодать в души твоей, яко йскра Слова, пламень высок возжжѣ веры / и грех извари.

**Богородичен:**

**Жезл** прозяблѣ еси, Богородице, / из Негоже Цвет мысленный возрастѣ, / Божественнаго благовонія исполнив всяческая, / Христос Бог наш, миро сый неистощенное честное.

#### Песнь 5

**Ирмос:** Ты, Господи, мой свет / в мир пришѣл еси, / Свет Святей, обращаѣй из мрачна неведѣнія / верою воспевающия Тя.

**Водами** таинственными умаствѣвшись Духа, / процвелѣ еси в вере добродетелей благоплѣдием / и болезнми пощѣнія.

**Ты, Господи, Свет** во тѣме лежащих челоуков, / Ты возсиял еси в сѣрдцы преподобных, / светлость Божественнаго разумѣнія.

**Болезни** твоя, честная Пелагие, со слезами сѣемы, / веселием и радостію обѣлія на Небесех собращася.

**Богородичен:**

**Удивлена** истинно благодать Твоя показася, Пречистая, / преславно дѣйствующи силы и чудеса по всей земли.



## Песнь 6

**Ирмос:** Пожру́ Ти со гла́сом хвалéния, Господи, / Церковь вопиéт Ти, / от бесóвския крóве очíщшися, / ради милости от ребр Твоих / истéкшею Кровию.

**Я**вльшейся не вечерней зари Христа Бога нашего в души Пелагии, тьмы князь отгна́н бысть, / и вселися Духа благодать и вера Его.

**Д**ре́вле уловле́ная змíем, сеть ему показáся, / силу его обдержа́щи / и попира́ющи того лукавствие силою Божию.

**Ж**ениха Христа возлюбíвши и Бога, / добродéтельми украсíлася еси и, упещрёна труды́ Божественными, / Чертога Его, Пелагие, сподóбилася еси.

**Богородичен:**

**В**íдети, Богородице, славу Твою неизречённую / древле возжелéша Божественнии про­роцы вси, / но напоследок нам явилася еси, любящим Тя, / всех пребóльши.

**Кондак, глас 2.**

**Подобен: Вышних ищá:**

**Т**ело твое постами изнури́вши, / бдёнными молитвами Творца умоли́ла еси о де́яниях твоих, / яко да при́ймеша совершенное оставле́ние, / еже и обрелá еси, мати, я́ве, / путь покая́ния показáвши.

**Е**ли́цы в житий во гресéх оскверни́стеся, придите со мною / и, потщавшеся, поревну́им покая́нию, / слезам и подвиго́м преподобныя матери нашей Пелагии, / да вскоре от Бога прощение при́мем, якоже блаже́нная, / еще живá сущи, скверну отмы́ грехá / и прият от Бога совершенное прощение, / путь покая́ния показавши.

## Песнь 7

**Ирмос:** В пе́щи Авраáмстии óтроцы персидстей / любовию благочестия паче, / нежели пла́менем опалéями, взывáху: / благословен еси в храме славы Твоея, Господи.

**П**учíна показалася еси Божественных исправле́ний ты и́стинно, / всю вра́жию погрузи́вши в ней крепость, / тем воспевала еси: / благословен еси в храме славы Твоея, Господи.

**В** пе́щи воздержáния тело и душу Божественно, яко зláто, чíсто извари́вши, / и первую

добрóту показала еси светлѣйшу, честная Пелагие, / крайним воздержанием.

**Б**анею Божественною совлѣкшись, ты истинно первого одеяния страстей / и тлеющего тя человека, / в новаго же, славная, одеаяся, Христу сообразующися.

**Богородичен:**

**Н**а Престоле Отечестем седяй Слово Божие, / странно в Тя вселися и страшно, Богородице, / и возведé наше смешение, в Себе возвысив, / яко Благоутробен.

### Песнь 8

**Ирмос:** Руце распротёр Даниил, / львов зияния в рове затчé, / огненную же силу угасиша, добродетелию препоясавшеса, / благочестия рачители / отроцы, зывающе: / благословите вся дела Господня Господа.

**С**вѣтятся лучи светло чудес твоих, якоже солнце, / и жития твоего всю являют светлость / и сияющую в тебе Божественную веру, и вопиют: / вся дела Господня Господа пойте и превозносите Его во веки.

**Н**еразрешимым союзом ко Христу верно привязавшись, / прилепилася еси к Нему и неотлучна пребыла еси единением любвѣ Его, / Ему же сочленилася еси мысленно, верою Его, Пелагие, / неразлучне Тому пребывши.

**Р**азум приѣмши истинный в сердца твоем, / яже духом оставила еси всю житейскую суету, / тем удивила еси земныя внезапным, честная, предложением / и Небеса веселия исполнила еси.

**Богородичен:**

**П**оют, Пречистая Дево, величия Твоя Умная воинства, / проповѣдуют вси патриарси и пророцы ясно со апостолы, / такоже и мученик лицы и преподобных все множество: / с нимиже поклоняемся Тебе.

### Песнь 9

**Ирмос:** Камень нерукосечный / от несекомыя горбы, Тебе, Дево, / краеугольный отсечеса, Христос, / совокупивый разстоящаяся естества, / тем веселящеса, Тя, Богородице, величаем.

**В**идети восхотела еси истинно Рачителя Христа доброту, / Егоже ради распялася еси миру, и



красный цвет телесный, преподобная, изсушила еси, / и житейскую возненавидела еси любовь.

**В**сю телесную тягость отложши, Пелагие, воздержанием и болезнями, / к Небесным обителем востекла еси, / в нихже любимыя тебе наслаждаешься доброты, славная.

**Н**ыне тебе почитающих любовью всех, преподобная, назираеши, / и летнюю совершающих твою память сию, / молися Творцу и Создателю твоему причастником быти и нам Славы Его.

Богородичен:

**П**ою Твою благодать, Дево, величаю славу Твою: / Ты бо просвещение душ моя еси истинно, / и утешение, и скорая помощница, / и спасение, и защищение.

**В  
ТОЙЖЕ  
ДЕНЬ**



**Преподобнаго Трифона, архимандрита  
Успенскаго монастыря, иже в Хлынове,  
Вятскаго чудотворца**

**НА МАЛОЙ ВЕЧЕРНИ**

**На Господи, возвах: стихиры на 4 глас 1.**

**Подобен: Небесных чинов:**

**Н**аста, Богоносне, / солнца светлейший твой праздник, / озаряя приходящая к тебе верою / и источая исцеления, / Трифоне преподобне, / молитвенниче о душах наших.

**Ч**увственные страсти телесныя / победил еси воздержания силою, / и, Безплотных житие на земли подражав, / вся плотская желанья духови повинул еси, / тем ныне в Небесных селениих водворяешься, Трифоне преподобне, / и молишися о душах наших.

**Б**лаженне Трифоне, / основания положив подвигу твоему на земли добрая, / ветхаго человека со страстьми и похотьми совлеклся / и во Христа воистину облеклся, / благодатию Божию укрепляем, Ангельскаго чина достигл еси / и соделался еси наставник иноком, / темже моли спастися душам нашим.

## Слава, глас 4:

**И**ночествующих множество и христонóснии людие, / сошédшеся праздник днесь составим / и, почитающе честnúю память отца нашего Трифона, / сему согласно воспоём: / радуйся, верный рабе Христа Бога, / радуйся, по́стником светлая похвалó, / радуйся, иночествующим наставниче, / радуйся, исцелений источниче; / о нас, преподобне, моли всех Царя Христа Бога / избáвиться нам от лукаваго и спаст́ся душáм нашим.

**И** ныне, Богородичен.  
На стиховне стихиры, глас 6.  
Подобен: Трдневен:

**На** гóру добродетелей восходя, / дóлу влекущая помышления отрясáя, / и крест Спаса на рамо возьм, / усердно Тому последовал еси, / и ныне, добрóты Его наслаждаяся, / поминай нас, чтущих тя.

**Стих:** Честна́ пред Господем / смерть преподобных Его.

**Небесных** благ желая, / мирская слáдости отвергл еси, / постом бо себе изнуря́л еси, преподобне, / Небесныя добрóты рачитель был еси, / юже ныне воистину обрел еси, / Трифоне отче наш.

**Стих:** Блажен муж, бойся Господа, / в заповедех Его восхóщет зело́.

**Воздержанием** пла́мень страстéй угашáя / в житии земнем, / тем ныне крóтких землю наследовал еси / и свесел́ишися с преподобными и праведными, / отче наш Трифоне.

## Слава, глас 8:

**Преподобне** отче Трифоне, / мира сего красная и слáдости вре́менная презрév, / иноческое же житие возлюб́ив, / Ангелом собеседник быти сподóбился еси / и светильник многосветлый Пёрмския же и Вятския страны явился еси, / чудесы́ твоими, яко солнце, сияя; / всех нас поминай, совершающих священную память твою, / мы бо, чада твоя сýще, / тя в помощь призываем, / просяще тобою при́яти мир и вéлию милость.



**И ныне, Богородичен.  
Тропарь, глас 4:**

**От земных на Небесная помыслив, / иноческое житие измлада, преподобне, возлюбив, / и делом совершив ко Господу любовь, / и твердым умом Его Духновенным учением озаряя мир, / и, возлюбив, блаженне, всенощное бдение / и молитву непрестанну, и наставления Божественнаго разума, / инок стадо собора, мудре, / и наставил еси ко свету Богоразумия, Трифоне отче наш, / Христа Бога моли даровати душам нашим велию милость.**

**НА ВЕЛИЦЕЙ ВЕЧЕРНИ**

**На Господи, возвах: стихиры на 8, глас 8.**

**Подобен: О преславнаго чудесе:**

**Отче преподобне Трифоне, / вперив ум твой к Богу верою, / мира красная возненавидел еси / и, покорив плоть свою силою Божественнаго Духа, / последовал еси Всевидцу Христу, / Того моли о спасении душ наших.**

**Отче Богомудре Трифоне, / ты, от утробы матери Христови приближився, / всем помыслом Тому прилежал еси, / и от подвигов веры и жития твоего Вседержителю плоды достойны принесл, / от Него духовныя славы благолепием украшен был еси / и благих наслаждение восприял еси, досточудне.**

**Преподобне отче Трифоне, / недугующим исцеление и хромым хождение / милостивно сотвориши, / и всем, притекающим к тебе с верою, / милости неоскудно подаваеши, / темже и нам от Бога подаждь мир и велию милость.**

**Ины стихиры, глас 2.**

**Подобен: Кийми похвальными:**

**Кийми похвальными венцы увязем тя, преподобне отче наш Трифоне, / добродетелем сокровище, сосуде чистоты, / приятелище благодати, исцелений источниче? / Ты же, о святче, моли Христа Бога / даровати нам велию милость.**

**Кийми песнями восхвалим тя, преподобне отче, / иноком наставника, пустыннаго жителя, /**

целомудрия хранителя, болящим врача безмэднаго?/ Ты же, яко имей дерзновение ко Господу,/ моли Его даровати нам мир и велию милость.

Кѣими устнами ублажимъ тя, преподобне,/ добрыхъ рачѣтеля, постника истинна, беднымъ помощника,/ душевредными страстьми обуреваемымъ скорое пристанище?/ Ты же, угодниче Божий,/ Христа Бога моли даровати намъ велию милость.

Слава, глас 6. Самогласен:

Приидѣте, постническое сословіе и празднлюбцы вси,/ ликъ духовный составимъ/ и къ преподобному отцу нашему Трифону сѣце возопѣимъ:/ радуйся, подвижниче, любви ради Христовы мир оставивый;/ радуйся, тело твое, вечныя ради и блаженныя жизни, пощениемъ и труды изнуривый;/ радуйся, иже чистотою тела и духа славу Христа Бога вообразивый./ Моли убо, о еже и творящимъ честную память твою/ избавитися всякаго грѣха и осужденія, блаженне.

И ныне, Богородичен: Кто Тебе не ублажит:

Вход. Прокимен дне. Паремии преподобническия (зри страницы 791—792).

На литіи стихиры самогласны, глас 1:

Память успѣнія твоего, преподобне отче Трифоне,/ сердца наша просвѣщает,/ сию бо празднующе, врачество отъ страстей приѣмлемъ,/ славимъ Господа, труды твоя и подвиги венчавша,/ и, темъ усердно подражающе,/ твоею стезею ко Христу Богу ходити поучаемся,/ Его же моли спасти и просветити души наша.

Глас 2:

Празднлюбцы вси и постниковъ сословіе,/ верою сошедшеся днесъ,/ истиннаго постника почитимъ, отца нашего Трифона,/ подвигомъ добрымъ на земли подвижавшася/ и нетленную славу на Небесѣхъ уллучити сподобльшася,/ и тому съ веселиемъ возопѣимъ:/ о священная главо,/ о насъ молися ко Господу,/ помиловатися душамъ нашимъ.

Глас 8:

Преподобне всечестне Трифоне,/ добродетельми къ Богу возшедъ и, яко на колеснице



востѣк,/ побѣдныя венцы от Него приял еси;/  
 тело же твое нетленное,/ яко иногда милоть  
 Илия, на земли оставил еси,/ источая тем исцеления  
 и прогоняя дѹхи лукавыя;/ тем же, поклоняюща  
 ющаяся Богу,/ тя ублажаем, досточѹдне.

**Ины стихиры, глас 2:**

**Во** успении твоём, блаженне,/ учительница  
 нам бывает твоя рака,/ прѣсно бо излива  
 ющимися чудесы вопиет,/ возводя к трудом и  
 подвигом, глаголя:/ возлюбите Господа, да обря  
 щете благодать вечную/ и ничтоже предпочтите  
 паче любви Его,/ да егда приидет,/ обрящете  
 покой со всеми святыми избранными Его,/ егоже  
 и мы улѹчи сподобимся/ твоими молитвами,  
 Трифоне преподобне.

**Глас 6:**

**Любовию** Христовою, Богомудре, просве  
 щаем,/ душетленныя страсти победив,/ яко па  
 стырь истинный упасл еси словесное стадо,/ ко  
 отцем преставися в добрей старости/ и Бѹгови  
 со Ангелы, Трифоне, предстоиши,/ Того моли  
 помиловати дѹши наша.

**Слава, глас 8:**

**И**ночествующих множества/ наставника тя  
 почитаем, отче наш Трифоне,/ истинно бо Хри  
 сту рабѹтав/ и вражию обличив силу,/ был еси  
 Ангелом собеседник/ и преподобных сопри  
 частник,/ с ними же молися Гѹсподеви/ помѹло  
 ваться дѹшам нашим.

**И ныне, Богородичен: Безневестная Дево:**

**На стиховне стихиры, глас 8:**

**Имея** Божественную благодать,/ наставля  
 ющую тя к желанию святому,/ мирскаго мятежа  
 отреклся еси/ и, церковными Писании себе  
 умудрив,/ ко Истинному Разуму востекл еси;/  
 темже, Трифоне преподобне,/ моли спастися нам.

**Стих: Честна пред Господем/ смерть преподоб  
 ных Его.**

**Добродетелей** стезею шествуя,/ Бѹгови при  
 ближился еси,/ Егоже и светолѣтие приѣмля,/  
 ходатайствуй о нас, рабѹх твоих,/ во еже спастися  
 нам от соблазн лукаваго,/ мирно житие свое

скончати / и желаемого блаженства твоими к Богу молитвами улучити.

**Стих:** Блажен муж, бойся Господа, / в заповедех Его восхоцет зело.

**Вечныя радости общники нас быти / твоими молитвами сподоби, преподобне отче Трифоне, / с верою приходящих к тебе, / и просящих твоея помощи и заступления, / и испроси нам у Христа Бога велию милость.**

**Слава, глас 6:**

**Преподобне отче, / во всю страну Вятскую же и Пермскую / изыде вещание исправлений твоих, / тем же на Небесех обрел еси мзду трудов твоих, / бесовския погубил еси полки / и Ангельския достигл еси чины, / ихже житию непорочно поревновал еси; / дерзновение имей ко Господу, / мир испроси нам и велию милость.**

**И ныне, Богородичен, глас тойже: Творец:**

**Тропарь, глас 4:**

**Яко светозарная звезда, / возсиял еси от востока до запада, / оставль бо свое отечество, / дошел еси Вятския страны и Богоспасяемаго града Хлынова, / в немже обитель во славу Пресвятыя Богородицы создав, / и, тамо на добродетель вперився, / собрал еси иночествующих множество, / и, сих наставляя на путь спасения, / был еси Ангелом собеседник, / и постником сопричастник, Трифоне преподобне, / с ними Христа Бога моли спастися душам нашим.**

**НА УТРЕНИ**

**По 1-й кафизме седален, глас 5:**

**Постника Господня песньми почтим, / умертвивша вся прилоги страстей, / воздержанием бо и крепким воистину терпением / зело посрами гордыню сопротивнаго, / и ныне молится о нас Господеви, помилватися душам нашим.**

**Слава и ныне, Богородичен:**

**Странное чудо зачатия и неизреченный образ рождества на Тебе верою видевши, Чистая Приснодево, / всепразднственно славим Тя / яко неоскудное сокровище во спасение душ наших.**



По 2-й кафизме седален, глас 4:

**Победил еси прилоги вражия, Божественною благодатию оживляем, / постом и бдением ум очищая, и непрестанною молитвою к Богу приближаясь, / темже и бесом страшен явился еси, Трифоне преподобне, / моли спастися душам нашим.**

Слава и ныне, Богородичен:

**Обновила еси, Чистая, Божественным Рождеством Твоим / истлевшее страстьми человеческое естество / и воставила еси сие от смерти к жизни нетления, / темже Тя по долгу, Препрославленная, якоже прорекла еси, роди вси ублажаем.**

По полиелеи седален, глас 8:

**Посту и бдению прилежа, / незлобием и кротостию украшаясь, / иноков чины собрал еси / и, добродетелей образы тем предлагая, / к Разуму Божественному сих возводил еси, Трифоне преподобне; / моли Христа Бога грехов нам оставление даровати, / чтущим любовь святую память твою.**

Слава и ныне, Богородичен:

**Яко Деву едину в женах, / Тя, безсеменно рождшую Бога плотию, / вси ублажаем роди человечести, / Огнь бо вселися в Тя Божественный, / темже со Ангельскими чинми достойно славим пресвятое Рождество Твое и согласно вопием Ти: / моли Христа Бога грехов оставление даровати воспевающим достойно славу Твою.**

Степенна. Прокимен: Честна пред Господем: Стих: Что воздам: Евангелие от Матфея, зачало 43.

По 50-м псалме стихира, глас 6:

**Преподобне отче, / слух твой прилежно Евангелию вдав, / услышал еси Божественный глас, / зовущий тя в Небесное Царствие, / и добре сему последовал еси, / мира сего красная, яко уметы, вменив, / Единого доброты паче всех желая Христа, / Емуже прилежно молися: / миру низпослати мир, / Церквам утверждение, / православленным на сопротивныя победу и одоление / и душам нашим велию милость.**

Канон Пресвятей Богородице со ирмосом на 6  
и преподобному два канона на 8.

Канон преподобному Трифону, глас 2.

Песнь 1

**Ирмос:** Грядите, людие, поим песнь Христу Богу, /  
раздѣльшему море и наставльшему люди, / яже изведе из  
работы египетския, / яко прославися.

**Радуйся,** источниче кипящий струи  
спасения, / от них же почерпаем целѣбную благо-  
дать, и прегрешений избавляемся, / любовь при-  
ходящи к тебе, приснопамятне Трифоне.

**От** утробы матерне, славне, явился еси из-  
бранный сосуд, / духовную благодать от Христа  
Бога приѣмый.

**Да** живота нетленнаго причастиник явишися, /  
временных, отче премудре, небрегл еси / и, к Богу  
прешед, непрестанно молишися, спастися всем  
нам.

**Богородичен:**

**Словесем** премудрым Твоих устен  
последующе, / радующеся, Всенепорочная, Тя  
ублажаем, / нам виновницу неизреченнаго бла-  
женства.

Ин канон преподобному, глас 4.

Песнь 1

**Ирмос:** Моря чермную пучину / невлажными стопами /  
древний пешествовав Израиль, / крестообразными Мо-  
исеовыми руками / Амаликову силу в пустыни победил  
есть.

**Божественнаго** Пресвятаго Духа блистая  
благодатию, / светносное и честное твое успе-  
ние празднующих, Трифоне преподобне, / свет-  
лою молитвою твоею от страстей мглы очисти.

**Преподобне** отче, крест свой взем, / последо-  
вал еси Слову, распеншемуся нас ради, / и  
плотския страсти воздержанием, преподобне, и  
низу леганием умертвил еси.

**Пощением,** молитвами и слезами Божии  
приближаяся, / приял еси от Него благодать  
целити недуги и отгоняти лукавыя духи, / Трифо-  
не Богомудре преблаженне.

**Богородичен:**

**Облечеса** из Тебе, Чистая Дево, Бог в  
Человека, / спасения ради человеков, / Егоже моли  
просветити поющия Тя.



## Песнь 3

**Ирмос:** На камени мя веры утвердив, / расширил еси уста моя на враги моя, / возвеселибося дух мой, вегда пети: / несть свят, якоже Бог наш, / и несть праведен, паче Тебе, Господи.

**Всесветлый, Богомудре, показася столп, наставляющ чины инок, / и облак, осеняющ жребий Божий, и лица невидимых врагов помрачающ, / благодатию всех Царя и Бога.**

**Предстоя своему Владыце и Господу, / молися избавитися стаду твоему от работы темныя, преподобне, / и мучительства страстей избежати, ибо твоих молитв послушает Бог.**

**Плоти своя страсти умертвив крепким пощением, Богоглагольниче, / и быв обитель Владычня, / моли избавитися скорбей и страстей смущения избежати всем, к тебе прибегающим.**

**Богородичен:**

**Свиток Тя нарече Исаия, в немже Слово плотски назнаменася, / да раздрав долгов древних рукописание, / подаст оставление работы всем нам.**

**Ин**

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Яко же солнце на земли, светом добродетелей просиял еси, / всех души, преподобне, благодатию просвещая духовною.**

**Железом чресла своя препоясана имел еси страстем на умерщвление, / и телесе озлобление претерпел еси, Трифоне преподобне, / безстрастием яве одеаяся.**

**Человеколюбив быв немощным в житии твоём, / сего ради приял еси от Бога многую благодать, преподобне, / целити страсти неисцельныя.**

**Богородичен:**

**Слово Божие во утробу Твою, Приснодево, вселися, / и земнородных всякия грехи отъяло есть Своею благодатию.**

**Кондак, глас 2:****Подобен: Вышних ища:**

**Волнѣний** множество невлѣжно преходя, / безплѣтныя враги струями слез твоих крепко погрузил еси, / Богомудре Трифоне, / и чудес дар приѣм, / моли непрестанно о всех нас.

**Седален, глас 8.****Подобен: Премудрости:**

**Отрѣкся** плоти сладострастия Христа ради, / духовный пастырь людем явился еси, / словеса учения Христова сказуюя иноком и собою являя правды правило, / страсти же вся крепко попрал еси, тем и вражия коварства до конца потребил еси, / к Богу взирая всегда, блаженне Трифоне. / Егоже моли грехов оставление подати чтущим любовь святую память твою.

**Другий седален преподобному,  
глас и подобен тойже:**

**Яко** звезду незаходимую световидну, / вси тя почитаем, добродетелей сиянием и чудес зарями мир просвещаяща, / и восхваляем, блаженне Трифоне, / причастник бо явился Божественныя светлости и незаходимаго светолития зритель показася, к немуже и востече. / Темже и мы светоносную и святую память твою совершаем, Спаса славяще, и верно вопиюще: / моли Христа Бога грехов оставление подати чтущим любовь святую память твою.

**Слава и ныне, Богородичен:**

**Солнца** облаче светлейший, / Божественнаго Света свѣщнице златокованный, Непорочная Пречистая Владычице, / омраченную душу мою слепотою страстей безстрастия зарею просвети, молюся, / и оскверненное сердце мое омый умилением покаяния, / плачем же от скверных мя очисти дел моих, да любовь зову Ти: / Богородице Приснодево, моли Христа Бога, / прегрешений оставление даровати ми, к Тебе бо имам надежду, раб Твой.

**Песнь 4**

**Ирмос:** Пою Тя, слухом бо, Господи, услышах и ужасохся, / до мене бо идеши, мене ища заблуждшаго. / Тем многое Твое снизхождение, еже на мя, / прославляю, Многомилостиве.



**Желание** тя Божественное распали, огнем бо святым согрѣя твое сердце, / сего ради и желанная достигл еси до конца, Богомудре, / оставль земных пристрастие и единокитель быв Вышнем служителем.

**Ласкания** свѣрстник твоих попрал еси, преподобне, всеобразно, / вниде бо рачение Содетеля в тя, Богомудре, тепле, / и задних мрачная желанья до конца отрунул еси.

**Житейския** сладости отверг, преподобне, / и, Христа Единого возлюбив, родительский кров тайно оставил еси, / и яко пришлец во странах чуждых явился еси, спасения иский.

**На** пажить чистую воздержания возвел еси стадо твое, отче, / ко источником спасения немутнаго безстрастия, / разумныя звери побеждая твоими к Богу молитвами.

**Богородичен:**

**Се** славят Тебе роди родов, Богомати, якоже прорекла еси, Отроковице, / Создателя бо бе палата и храм Божественный, / в немже вселися Вышний, плотию одеяся, да спасет нас.

**Ин**

**Ирмос:** Вознесена Ты видевши Церковь на Кресте, / Солнце праведное, / ста в чине своем, / достойно взываючи: / слава силе Твоей, Господи.

**Струями** слезными сердце свое очищая, / молитвами твоими на безводнем месте воде истекати устроил еси, / Богу тя прославляюще, Трифоне преподобне, яко Своего угодника.

**Преславным** житием твоим, яко звезда, сияя, / священными чудесы, яко другое Небо, показася, блаженне, верою зовущим: / слава силе Твоей, Господи.

**Законом** повинуюся, преподобне, Владычним, / яже в пастве твоей сущия наставил еси к свету Богоразумия, / усугубив данный ти талант, яко раб послушлив своему Владыце Христу.

**Богородичен:**

**Привлеченный** ум мой, Богородительнице, к телесным сладостем, / Твоим ходатайством, молюся, утверди, / Яже Единая рождающая Благодетеля Бога нашего в Вышних.

## Песнь 5

**Ирмос:** Просвещѣние во тьме лежащих, / спасение отчаянных, Христе Спасе мой, / к Тебе утренюю, Царю мира, / просвети мя сиянием Твоим: / иного бо развѣ Тебе Бога не знаю.

**Весь** Бѣгови предався, преподобне, / в пустынях мраз зимний претерпел еси, и доблественне зной понесл еси, / и сподобися причастник Премудрости Божия быти, добродѣтельным сиянием благоукрашаем.

**От** юности прилежав пощѣнию многу, чревоугодия змѣя отринул еси советника, отче преподобне, / алчбою, и жажду, и непрестанными молитвами, и чистотою Бѣгови соединился / и причастник быти сподобился еси пищи Небесных.

**Добродѣтелями** на Горняя восшел, / иночествующих стадо научил еси чувственных деяний огребатися, / возводя их на гору Божественнаго разума.

**Богородичен:**

**Явися**, Чистая, дрѣвле праотца лѣствица, Небес высшая, имущая твердый восход, / из Тебе бо сошел Слово Отчее плотию, совокупі разстоящая естества, / темже вси Тя, Богородительнице, славим.

**Ин**

**Ирмос:** Ты, Господи, мой свет / в мир пришел еси, / Свет Святыи, обращаѣи из мрачна невѣденія / верою воспѣвающія Тя.

**Ум** твой, преподобне, чистыми к Богу мановѣнии\* весь укрепляем явися / и плотских сладострастий превышши показася.

**Сый** врач душам и телесем, пребогате, / отже ни плотския и душевредныя болезни благодатию Божественнаго Духа.

**Блажен** еси, преподобне, яко всю злобу вражю победил еси / и телесныя страсти до конца умертвил еси.

**Богородичен:**

**Родила** еси Преблагаго Бога и по рождестве

\* мановѣнии — обращениями.



Дѣвая пребысть, Богоневесто, / сего ра́ди Тя вси  
ро́ди челове́честии ублажа́ют.

**Песнь 6**

**Ирмос:** Ко Господу от кита Иона возопи: / Ты мя  
возведи из глубины ада, молюся, / да яко Избавителю во  
гласе хваления / истины же духом пожру Тебе.

**Владычнюю** любовию вжи́лем, / вся красная  
мира сего оставив, единому Христу последовал  
еси / и, благий ярём на ра́мо взем, мужески  
понесл еси.

**Пастырь** сый, от Духа Божия наученный,  
блаженне, / наставлял еси стадо твое Небесная  
разумевати и страстей нашествия отгоняти, /  
Царствия же Божия и правды Его искати.

**Житие** твое Ангельскому подобно бысть,  
преподобне, / яко дерзновение от Бога, вся содер-  
жащаго, имей, / молися, о еже от страстей лука-  
вых христоименитому стаду твоему избавитися.

**Богородичен:**

**Провидев** Твое неизреченное, Чистая, духом  
таинство, / Аввакум иногда предвозвести, гору  
Тя нарече приосененную, / из Тебе бо всех Соде-  
тель воплощся, спасе нас.

**Ин**

**Ирмос:** Пожру Ти со гласом хваления, Господи, / Цер-  
ковь вопиет Ти, / от бесовския крове очищися, / ради  
милости от ребр Твоих / истекшею Кровию.

**Единым** то́чию призыванием святаго твоего  
имене / и омьтием воды, исходящая во обители  
твоей, / тряса́вичная болезнь от человек отгоняет-  
ся и вред бесовский молитвами твоими потребля-  
ется.

**Победив** плотскаго навета мудрование, / Духа  
Святаго благодать при́ял еси / отгоняти плотския  
недуги и целити душевныя страсти, Трифоне  
преблаженне.

**О,** чудо предивное, / како от еди́наго то́кмо  
призывания болящии прие́млют исцеление твоим  
явлением, преславне Трифоне, / и бед и напастей  
свобождаются твоими к Богу молитвами.

**Богородичен:**

**Умертви** плоти моя мудрование, При-

снодево, / Умертвителя смерти зачѣншая / и  
рождшая Жизнодавца паче слова и разума.

Кондак, глас 8:

Днесь в начале основания добродетелем,  
блаженне, / положил еси в души своей страх  
Божий, / от юности взял крест свой, / благочестно  
Христови последовал еси, / Ангельским образом  
облечеса и бысть монах предивен, / в добродете-  
лях цветяше, к будущим Бóгови простирался. / И  
своей плóти, яко врагу, немилостив, отче, был  
еси, / терпением явися, блаженне, яко злато иску-  
шено в горниле, / но и ныне не забуди посещати  
чад своих, / поминай нас, чтущих пресвятую  
память твою, / да вси благодарне вопиѣм ти: /  
радуйся, премудре Трифоне, наставниче  
монахом.

Икос:

Отвѣрзи ми устне Богоприятными твоими к  
Богу молитвами, преблаженне, / да воспою равно-  
ангельное житие твое и возглаблю достойно вся  
добродетели твоя, / столп бо и забрало явися  
иноком и правды правило пресветлое, / темже и  
прославльшему тя Господу молися непрестанно о  
всех нас.

Песнь 7

Ирмос: Купина в горѣ огнѣнеопальная / и росоносная  
пещь халдейская / яже предписа Тя, Богоневѣсто: / Божѣ-  
ственный бо невестественный / в вѣщественном чреве  
Огнь неопально прияла еси. / Темже из Тебе  
Рождшемуся / поѣм: благословен еси, Боже отец наших.

Авраáму уподобился еси, преблаженне, / от  
земли бо отечества твоего извед, пресельника  
сотвори тя Господь в Вѣтстей странѣ, / идеже  
Сего узрел еси, обещающа ти воздаяние  
богато, / Емуже, веселяся, усердно воспевал  
еси: / благословен Бог отец наших.

Распалѣем Святым Духом, преподобне, козни  
вращия разорил еси, / Крестным оружием ограж-  
даяся нас ради волею пригвождагося Сына  
Божия, / Емуже, веселяся, усердно пояше: / благо-  
словен Бог отец наших.

В Горняя Небеса к Богу молитвами твоими  
приступил еси, / вшед в пресветлый облак, неза-



ходимыя сподобися Божия Славы видения, / Ему же прилежно, веселяся, пойте: / благословен Бог отец наших.

**Богородичен:**

**Закона** исполненье родила еси, Сына, Превечнаго всяческих Бога и Господа, / премудрости наказателя земнородных, Ему же усердно поем: / благословен Бог отец наших.

**Ин**

**Ирмос:** В пещи Авраамстии отроцы персидстей, / любовь благочестия паче, / нежели пламенем, опаляеми, зываху: / благословен еси в храме славы Твоея, Господи.

**Слезными** тучами пламень страстей погасил еси, / ныне же огнем молитв твоих, блаженне, и Божественною благодатию / поपालяеши вся душевлённые недуги.

**Всеусердно** Творца твоего, блаженне, возлюбил еси, / Ему же сам служа и ины научая, Трифоне мудре, зывал еси: / благословен еси в храме славы Твоея, Господи.

**Якоже** древо при исходищах вод, воздержанием, отче, насажден быв, / воздал еси плоды чудес действо от честнаго ти образа, Трифоне пребогате, / благоверенно всегда избилуяся.

**Богородичен:**

**Бури** безмерных моих прегрешений, Отроковице, избави мя, / едина смиренных помощь крепкая и грешных очищение, зовущих: / благословенна Ты в женах еси, Всенепорочная Владычице.

**Песнь 8**

**Ирмос:** В печь огненную ко отроком еврейским снишедшаго / и пламень в росу преложшаго Бога / пойте дела яко Господа / и превозносите во вся веки.

**Твоими,** яже к Богу, слезными течении огнепальными страсти потопил еси, / геенского пламене страх погасив, отче мудре, совершенною любовью Господа своего, / присно пойте во вся веки.

**Якоже** второй Енох к Богу прешед, / от Него прият бысть, отче, и с Вышними ликостоянии водворяяся пойте: / вся дела Господа пойте и превозносите во вся веки.

**Н**ыне на Небесех нетлѣнных дарѡв от Бога наслажда́йся / и Трисолнечныя Его светлости исполня́йся, Трифоне блаженне, / певцы́ своя молитвами твоими стра́стныя мглы избави, / поющія и превознося́щія Господа во вся веки.

**Богородичен:**

**Д**ревнюю клятву разреши́ла еси, Пречистая, неизрече́нным словом Бога Слова заче́нная, / воплоще́нна из Тебе за милосердие, Владычице, земноро́дных спасение, / Егоже превозно́сим во вся веки.

**Ин**

**Ирмос:** Ру́це распротѣр Даниѣл, / львов зия́ния в ро́ве затче́, / огненную же силу угаси́ша, добродѣтелию препоя́савшеся, / благоче́стия рачи́тели / ѡтроцы, взыва́юще: / благословите вся дела Господня Господа.

**Я**ко пресвѣтлое утро, просия́л еси, / яко светоза́рная звезда, и яко вели́кое солнце, озари́л еси верных серде́ца чудесы́ твоими, Трифоне Богодухнове́нне, / и души всех просвети́л еси Божественною благодатию, вопи́ющих: / вся дела благослови́те Господня Господа.

**Г**лубоку я́зву врагу, ражда́юще смерть, преблаженне, дал еси, / егда благодатию Свята́го Духа смиренну стяжа́л еси мудрость, / высокому́дрый того нрав в землю смиря́я и се́ти душетлѣнныя его попира́я.

**В**идети райскаго блаженства и вѣчнующаго наслаждения, святе, сподѡбився, / святых свѣтлости зри́ши и радостно с ними всегда поѣши: / вся дела благослови́те Господня Господа.

**М**есто во обители твоей безвѡдное, якоже вторы́й Моисѣй, молитвами твоими многовѡдно сотвори́л еси / и цельбоно́сно показал еси приходя́щим с верою, че́рплющим, пи́ющим и Христу зову́щим: / вся дела благословите Господня Господа.

**Богородичен:**

**Н**еду́говавшую тяготѡю лю́тых, смире́нную мою душу жаждою пали́му, / Богоблагодатная Владычице Чистая, напо́й водою спасения и здраву до конца покажи́, зову́щу: / вся дела благословите Господня Господа.



## Песнь 9

**Ирмос:** От Бога Бога Слова, / неизреченною мудростию пришедшаго обновити Адама, / ядию в тлѣние падшаго лѣте, / от святаыя Девы неизреченно воплотившагося нас ради, / вернии, единомудренно пѣсньми величаем.

**Просветився** от Бога Слова по́стническою добротою, отче Трифоне, / одѣян ризою нетлѣния и венчан дарованіи паче ума человѣча, / ныне предстоиши Господеву, радуясь.

**Во** обители присноживотныя Господа своего вселился еси, преблаженне, / идеже апостольстии престолы, мученичестии соборы, преподобных соборанія, пророческая ликованія: / с ними же тя величаем.

**Всесвѣтел** показася, Богоглагольниче, зарями Трисолнечнаго света озаряем, / испроси от Христа Бога прегрешений разрешеніе и лѣтых избавленіе, и злых измененіе, / любовію тебе почитающим.

**Богородичен:**

**Воплотитися** благоизволи неизреченно Владыка всяческих из Тебе, Богородительнице Маріе, / совершен Бог и Человек, сохранив Тя прежде рожества, и в рождестве, и по рождестве Девуою: / Его в сугубом естествѣ величаем.

**Ин**

**Ирмос:** Камень нерукосѣчный / от несекомыя горы, Тебе, Дево, / краеугольный отсечеса, Христос, / совокупивый разстоящаяся естества, / тем, веселящеса, Тя, Богородице, величаем.

**Возмогл** еси о укрепляющем тя Господе, Трифоне Богомудре, / вся вражия силы попра́ти и неверныя посрамити, / темже и венец яко победоносец приял еси, / и дерзновение молитися Господу о нас, чтущих память твою чѣстно.

**Якоже** от неистошимаго источника, струи исцелений источаеши, преподобне, / и всякия болѣзни плотскія и душевныя скверны силою Божественнаго Духа очищаеши, / и благочѣстно наша напаяеши сердца и помышления, почитающих Тя.

**Днесь** всечестную твою память, отче препо-

добне Трифоне, совершающе, / сошедшеся всяк  
взраст, трбующе твоея помощи и заступления,  
усрдно просим: / поминай нас у Престола Господа  
Славы, чтущих священную память твою.

**Троицен:**

**Взят еси ко обителем вечным Единосущныя  
Троицы, преподобне отче, / и, взирая умныма  
очима, по достоянию к ликом преподобных  
причтеса, / с ними же нас поминай, иже на земли  
тебе поминающих и псньми всегда почитающих.**

**Богородичен:**

**Глас Архангельский вопиём Ти, Чистая Дево: /  
радуйся, клятвы разрушение, преподобных сла-  
во и мучеником похвало, / пророков проповеда-  
ние и человеков спасение.**

**Светилен:**

**Мирскаго сладострастия яко многомятежна  
избег, и неядением плоть свою увядив, / обновив  
же душевную крепость и славою Небесною обо-  
гатився, приснопамятне Трифоне, / молися о нас  
непрестанно ко Господу.**

**Слава и ныне, Богородичен:**

**Крепкое Твое предстательство, Марие  
Богоукрашенная, / и светлая Твоя слава по всей  
земли показася, / о Тебе ныне хвалимся и веселим-  
ся, имуще Тя к Сыну и Богу Твоему Ходатаицу  
неусыпную, / молитвами Твоими спасемся.**

**На хвалитех стихиры на 4, глас 8.**

**Подобен: О преславнаго чудесе:**

**Преподобне отче Трифоне, / дар Божии из-  
бран сам себе принесл еси, / бдение всеночное и  
умиление стяжав, / поучение Божественно, / ко-  
нечное смирение, / веру, надежду и любовь  
нелицемерну, / трезвение и милосердие, / истин-  
ное безстрастие / и молитву показав световидней-  
шу.**

**Преподобне отче Трифоне, / во одеяние  
истинное / и спасения одежду / благочестивым  
разумом иский одеватися, / худыми рубищи  
всегда / свое тело покрывати не престал еси / и  
обнажил еси нас обнажившаго козни, / силою  
укрепляем Божественнаго Духа.**



**Преподобне отче, Трифоне блаженне, / предочистив свою душу воздержанием, / бысть честное и красное / Святому Духу обиталище. / Темже лукавыя дѹхи отгоняеши / и недѹги исцеляеши, / всегда притекающим к тебе: / о нас, восхваляющих тя, / Христови помолися.**

**Преподобне отче, Трифоне славне, / обладав страстьми душевными, / начальник мнѹхом\* бысть, / ко трудом воздержания сих наказуя усердно, / ихже и представил еси Всевидцу, Слову Вседержителю, / пожив житие нескверно, блаженне, / с ними же нас всегда поминай, / восхваляющих тя.**

**Слава, глас тойже. Самогласен:**

**Воплощшемуся Богу нашему от Девы Матере нас ради / и обнищавшему, яко нищ, / дѹхом себе самого принесл еси жертву живу, / и всесожжение приятно, всеблаженне, и дар чѹстен, / темже и прият Небесное наслаждение от Христа Бога, / к Нему же присно молися, молимся, помилovati нас.**

**Ѹна стихира на славе, глас 8.**

**Самогласен:**

**Поем в пѣснях и свѣлостех, / память твою, почитающе, отче Трифоне, / яко многосвѣтлая звезда возсия от востока / и озарил еси Вятскую страну, / от юности, премудре, мирский мятеж оставил еси / и на рамо ѹго легкое восприял еси, / яко преобидев тленная и долу влекущая мудрования, / и по Вѹшнему течению, преблаженне, радостно устремися, / в Незаходимая вселися Богосиянно наш пастырь истинный, / моли Христа Бога спастися душам нашим.**

**И ныне, Богородичен, глас тойже:**

**Владычице, прими молитвы раб Твоих / и избави нас / от всякия нѹжды и печали.**

**Славословие великое и отпуст.**

**На Литургии: Блаженны 1-го канона песнь 3-я на 4 и 2-го канона песнь 6-я на 4. Прокимен, Апостол, Евангелие и причастен и вся служба преподобническая.**

\* мнѹхом — монахам.



В  
ТОЙЖЕ  
ДЕНЬ

## Преподобнаго Досифея Верхнеостровскаго

Тропарь, глас 4:

**Я**ко светильник всесвѣтел явился еси / во  
острове Псковскаго ѣзера, / преподобне отче наш  
Досифее. / Ты бо крест Христов от юности своея  
на рамо взем, / усердно Тому последовал еси, /  
чистотою Бѣгови приближился, / отонудуже и чу-  
дес дарованіем обогатился еси. / Темже и мы,  
притекающе ко святей иконѣ твоей, умильно  
глаголем: / отче преподобне, моли Христа Бога /  
спастися душам нашим.

Кондак, глас 2:

**Ч**истотою душевною Божественно воору-  
жився / и непрестанныя молитвы, яко ко-  
пие, вручив, / креѣко пробол еси бесовская  
ополченія, / Досифее, отче наш, / моли непре-  
станно о всех нас.

